

Berkongsi bangunkan industri biomas

KUCHING: Peranan SEDC Sarawak dalam Strategi Biomass Nasional 2020 (NBS) akan lebih mantap dengan adanya peluang kerjasama dengan Regal Lands Sdn Bhd (Regal).

Pengerusi SEDC Sarawak Tan Sri Abdul Aziz Husain berkata, ia sekali gus berpotensi untuk menarik perhatian pelabur asing serta membuka peluang pekerjaan kepada masyarakat tempatan.

"Jalinan persefahaman ini turut mencerminkan strategi korporat SEDC dalam mendapatkan rakan kongsi yang baik serta dapat menjadi aset penting untuk terus berada di landasan yang lebih mantap.

"Selain itu, kerjasama ini membolehkan kedua-dua pihak meneroka dan membentuk perkongsian yang bermanfaat demi kepentingan bersama terutama dalam pembangunan industri biomas di Sarawak.

"Dunia korporat hari ini masih terkesan akibat pandemik Covid-19, namun kita masih perlu untuk berinovatif dan terus bersikap positif dalam menjalankan perniagaan kita," katanya.

Beliau berkata demikian sele-



TUKAR DOKUMEN... Abdul Aziz dan Dominic Su menyaksikan pertukaran dokumen antara Abdul Hadi dan Nicholas Wong pada Majlis Menandatangani MoU antara SEDC dan Regal bdi Menara SEDC, di Kuching, semalam.

pasMajlisMenandatanganiMemorandum Persefahaman (MoU) dengan Regal untuk projek pembangunan pelabuhan hab bio dan ekosistemnya di Sarawak di Menara SEDC, di sini, semalam.

SEDC diwakili Pengurus Besar-nya Abdul Hadi Datuk Abdul

Kadir sementara Regal diwakili Pengarah Eksekutif Nicholas Wong. Sementara itu, Pengasas dan Ketua Pegawai Eksekutif Regal International Group Datuk Dominic Su dalam ucapannya memaklumkan kerjasama yang merangkumi pembangunan pelabu-

han hab bio dan ekosistemnya itu dijangka menjadi yang pertama di negara ini.

"Komponen projek yang akan datang juga akan merangkumi pengembangan Pusat Pengumpulan Satelit, prarawatan dan pemprosesan berteknologi tinggi

yang bersebelahan dengan pelabuhan bio.

"Ini membolehkan rantaian nilai yang berfungsi untuk meletakkan Sarawak sebagai destinasi baik pelabur yang mencari industri kimia bernilai tinggi," ujarnya.